



Ukuhlomisa izingane zethu
ngelikusasa

SS 3

Isihloko sesifundo: “Angesabi; uJehova unami”

Umhlahlandlela womzali

Isikole sangeSonto Isikole sasekhaya



Mzali Othandekayo

Uyamukelwa kusifundo: “**Angesabi; uJehova unami**”.

Lomqulu ukunika umhlahlandlela ofanele wokuba ungasethula kanjani lesi sifundo.

Ungasilungiselela futhi usethule kanjani lesi sifundo

Nanka amanye amasu ngezansi wokulungiselela nokwethula lesi sifundo:

Isinyathelo	Okufanele ukwenze
1.	Finyelela ku Webhusayithi ye-New Apostolic Church ngokufaka noma ngokuchofaza kusixhumanisi esilandelayo kusuka ku-WhatsApp: https://bit.ly/3NACSSHS
2.	Qoqa lezizinsiza zokufunda ezilandelayo ukuze uqiniseke ukuthi usihlomele lesisifundo: • IBhayibheli • Isifundo ngefomethi ye-PDF esivele silungisiwe • Incwadi yengane yokusebenzela kanye namapensele, amakhilayoni, njll. • I-Vidiyo kiliphi okuyisiza sokufunda esingezekile / isisiza sokufunda ongazikhethela ngokuthanda kwakho • Ikhathekizimu yemibuzo nezimpendulo (Ikakhulukazi kulesisifundo sesiQinisiso). Qaphela: 2.1: Isikhathi esifanele sokuthulwa kwalesisifundo, kungemuva kwenkonzo yangeSonto ekuseni, ngokuhambisana nesikhathi sesikole sangeSonto ukuze kugcinwe inqubo yesikhathi esijwayelekile. 2.2: Kepha lesifundo singenziwa nangesikhathi esihambisana nenqubo yomndeni wakho. 2.3: Uyacelwa ukuba ugcine isifundo sibe mfushane uma kunokwenzeka, khumbula izinga lokunaka kwezingane zethu (gxila esifundweni) - uyazi kangcono ingane yakho! <i>Isikole sangeSonto ngokuvamile asidluli imizuzu engama-45.</i> 2.4: Uyacelwa uthinte uThisha wakho wesikole sangeSonto uma udinga noma yiluphi usizo noma uma udinga ezinye izinsizakufunda kulezi ezingenhla. 2.5: Uma isifundo sesiphothuliwe nengane yakho, uyacelwa ukuba wazise Isikole sangeSonto ukuze kugcwaliswe irejista ku MIS.
3.	Khuleka (bheka umkhuleko osekugcineni kwalomqulu) bese ucela uNkulunkulu ukuba akusebenzise njengethuluzi ukwethula isifundo ngendlela Yena afuna ukuba usethule ngayo.



Fundisa lesisifundo sesikole sangeSonto ekhaya

Ungasilungiselela futhi usifundise kanjani lesisifundo

Siyaqhubeka nokwabelana ngezululeko ezithile zokuthi ungasilungiselela futhi usifundise kanjani lesisifundo:

Isinyathelo	Isenzo
4	Yenza indawo ilungele ukufundisa engenaziphazamiso lapho wena nengane / nezingane nisezingeni elifanayo. Isibonelo: Hlala phansi ocansini noma eduze kwetafula.
5	Funda kulesisifundo. Phinda ufunde futhi isifundo ukuze usiqondisise kahle. Bukela lesisifundo sevidiyo kiliphu ukuze uthole ukuqonda okungcono ngalesisifundo.
6	Zenzele amanothi ngamaphuzu abalulekile ongathanda ukuwakhumbula.
7	Yazi inhloso yalesisifundo ingane yakho okufanele siyikhumbule.
8	Yethula lesisifundo enganeni yakho noma uyifundele lenandaba uma uthanda.
9	Khombisa ingane yakho ividiyo bese uphinde ubuyekeze incazelo yayo.
10	Khombisa ingane yakho umsebenzi okufanele iwenze encwadini yayo yokusebenzela (I Also Want To....)
11	Khuleka, noma ucele ingane yakho ukuba ikhuleke bese uphetha isifundo.

Izinsiza zokufunda ezitholakalayo mayelana nokufundisela ekhaya.

Nazi ezinye izinsiza zokufunda zokungezelela lesisifundo sibe sezingeni leqophelo:

1. I-WhatsApp. Xoxani ngesifundo sesiQinisiso -2 nomunye umndeni osifundayo nawo.
2. Xoxisanani ngesifundo nabanye abazali ukuze uthole ukuchazeleka kahle mayelana nesifundo ngaphambi kokuba sifundiswe.
3. Khululeka ukwenza olwako ucwaningo ukuze uthole ulwazi olungezekile.
4. Khuluma noMxhumanisi wesikole sangeSonto webandla lakho noma uThisha wesiKole abazimisele ukukusiza.



Isifundo

Isihloko	"Angesabi; uJehova unami"
Umbhalo weBhayibheli	KwabaseFiliphi 4: 6 – 7
Inhloso yesifundo	Izingane zifunda ukuthi singabantwana bakaNkulunkulu futhi uBaba wethu waseZulwini uyasithanda futhi uyasivikela.

Isifundo esifingqiwe:

Indaba yanamuhla imayelana no-Angela umntwana kaNkulunkulu. Ubese kuvakasheni kwesikole kwezinsuku ezimbalwa engekho ekhaya. Yena nabangane bakhe baphuma bahambahamba ngezinyawo beyothenga amakhadi okuposa futhi bebuka nobuhle bendawo.

Ngemuva kwesikhashana banquma ukuhamba babuyele ehhotela lapho babehlala khona. Qagela kwenzekani... ngenkathi besahamba, babona ukuthi sebelahlekile futhi sekubamnyama! Hawu bantu!!!

U-Angela wayenesibindi ngokwanele sokukhuleka kuNkulunkulu ecela usizo. Kwakungathi bebahamba bangena ngokujulile ehlathini, futhi kubamnyamana! Ungakukholwa yilokhu na?

U-Angela wayelokhu ekhuleka futhi ekhuleka...
"Nkosi Ethandekayo, sivikele futhi usihole siphume ngokuphepha kulelhlathi".

Ekugcineni, ukukhanya kwethemba! Bafika endleleni eyabaholela emuva emphakathini lapho kwakukhona ihhotela labo.

Bakhululekile kakhulu, futhi njengoba babefuna ukuxhumana nothisha wabo, imoto kathisha yema-nsi eceleni kwabo. Uthisha wayekhathazekile, futhi wayebacinga!

Ngalobo busuku u-Angela wathandaza kakhulu futhi wabonga uNkulunkulu ngokuphendula imithandazo yakhe futhi wabasiza!



Ingabe sisho ukuthini lesisifundo kithina namhlanje na?

Yini isifundo ethanda ukusifundisa kona na?

- Akumelwe sesabe, ngisho noma ngabe izinto zibonakala zizimbi kakhulu. Kumele siqhubeke sikhuleke futhi sikhulume noNkulunkulu.
- Ngisho noma ngabe singukuphela kwengane kaNkulunkulu phakathi kwabangane bethu, uNkulunkulu uyayizwa yonke imikhuleko.
- Ukwesaba kusenza sizizwe sisodwa. Kodwa uNkulunkulu uthembisile ukuthi uhlala enathi.
- Lapho sisebunzimeni, kufanele ngaso sonke isikhathi sicabange sibe nomoya ophansi futhi sizikhumbuze ukuthi uNkulunkulu unathi. Uzothumela izingelosi zaKhe ukuba zizosisiza. Izingelosi zikaNkulunkulu ziza kithina ngoBaba bethu, oMama, abaPristi kanye noThisha bethu.
- Kumele sikhumbule njalo ukuthi ukuzizwa wethukile kungokwemvelo. Kepha uNkulunkulu usinika ukuzethemba.
- Ungalokothi ukhohlwe ukubonga uNkulunkulu ngemuva kokuthi Yena asisizile!

Eminye imibuzo esingayibuza:

- Ingabe u-Angela wayenamahloni okukhuleka kuNkulunkulu lapho esebona ukuthi balahlekile na?

Impendulo: Cha, wayenokholo lokuthi uNkulunkulu uzobasiza.

- Ingabe wayeka ukukhuleka lapho ebona ukuthi babehamba bangena ngokujulileyo ehlathini futhi besekuqala ukubamnyama na?

Impendulo: Cha, wakhuleka ngisho nangokwengeziwe!

- Wenzani lapho esefika ehhotela na?

Impendulo: Wakhuleka futhi wabonga uNkulunkulu ngokubasiza!



UMkhuleko kaBaba noMama ngaphambi kwesifundo:

Nkulunkulu othandekayo, ngiyakubonga ngalolusuku

Busisa bonke abazali nezingane

Sengathi singabuzwa ubukhona baKho

Busisa isifundo esizoba naso

Sicela usifundise ukukukhonza

Futhi usisize ukwenza intando yaKho

Ukuze sikhule sisondele kuWe

Thumela uJesu azosilanda

Futhi kwangathi singalungela ukuhlangana naYe

Amen



Notes
